

27 Feb. 2025

समे .18:15 Hrs

<><><><><><>

Headlines

- प्रधानमंत्री नरेंद्र मोदी होरें महाकुम्भ दी सराहना करदे होई इसी एकता दा महायज्ञ दस्सेआ जेड़ा के बदलाव दी शुरूआत ऐ।
- विधानसभा दे स्पीकर अब्दुल रहीम राथर होरें 3 मार्च गी शुरू होआ'रदे बजट सत्र गी सुचारू ढंगे सिर तोड़ चाढ़ने लेई सर्व दलीय बैठक सद्दी।
- 3 मार्च थवां शुरू होआ रदे विधानसभा दे बजट सत्र लेई तैयारियां पूरे जोरें-शोरें कन्नै जारी।
- केंद्री मंत्री रामदास अठावले होरें आखेआ जे दफा 370 गी जम्मू-कश्मीर थवां हटाना केंद्र सरकार दी बड़ी उपलब्धि ऐ।
- भारती मौसम विभाग नै अगले 2 दिनें लेई जम्मू-कश्मीर च बरखा ते बर्फबारी सरबन्धी येलो अलर्ट जारी कीता ऐ।

<><><><><><>

PM-Mahakumbh

महाकुम्भ गी एकता दा महायज्ञ दस्सदे होई प्रधानमंत्री नरेंद्र मोदी होरें आखेआ जे भारत गी अपनी विरासत पर मान ऐ ते ओह नमीं उर्जा कन्नै अगगे बदा रदा ऐ। प्रधानमंत्री होरें प्रयागराज महाकुम्भ दी सफलता दी सराहना करदे होई आखेआ जे एह आधुनिक प्रबंधन पेशेवरें ते नीति माहिरें आस्तै अध्ययन दा विशे ऐ। उनें आखेआ जे दुनिया भरै च बड़े आयोजन दी मिसाल नेई थ्हांदी ऐं स्टाड़े साधु संतें इक बारी फही विकसित भारत लेई स्नेहा दित्ता ऐ। मोदी होरें आखेआ जे दुनिया नै अचम्बे कन्नै दिक्खेआ जे कियां करोड़ां बदे लोक प्रयागराज च संगम तट पर किट्टे होए। इनें लोकें गी कोई औपचारिक साद्दा नेई थ्होए दा हा। एहदे बावजूद करोड़ां बदे लोक अपनी मर्जी कन्नै महाकुम्भ आए ते संगम च पवित्र स्नान कीता।

<><><><><><>

Speaker-APM

जम्मू-कश्मीर विधानसभा दे स्पीकर अब्दुल रहीम राथर होरें अज्ज सारे राजनीतिक दलें कन्नै बैठक लाई तां जे अगले म्हीने 3 मार्च थमां शुरू होने आहला बजट सत्र सेही तरीके कन्नै तोड़ चढ़ी सकै। सत्ताधारी पार्टी नेशनल कांफ्रेंस दे नुमाइंदें ते विरोधी दलें दे विधायकें इस बैठक च हिस्सा लैता। बीजेपी विधायक सुनील शर्मा होरें साफ कीता जे उन्दी पार्टी पीडीपी ते पीपल्स कांफ्रेंस तरफा आंदे दे प्रस्ताव यां बिल गी मंजूर नेई करोग कीजे एह राजनीतिक दल राष्ट्र विरोधी ना। सी.पी.एम ते कांग्रेस विधायक मोहम्मद युसुफ तारीगामी ते गुलाम अहमद होरें आखेआ जे पैहले विधानसभा सत्र च लोकें दे मसले पुट्टे जाडन जेड़ा गै 2018 च राष्ट्रपति शासन लागू होने मगरा

हून होगा। तारीगामी होरें आखेआ जे एह बजट सत्र सकारात्मक होना चाइदा ते सत्र चलाने आस्तै राजनीतिक दलें कन्नै सलाह-मिश्वर करना लोड़चदा ऐ। बीजेपी विधायक ते विरोधी दल दे नेता सुनील शर्मा होरें आखेआ। कांग्रेस विधायक जी.ए मीर होरें इस मौके आखेआ।

<><><><><><>

Assembly-Session

जम्मू-कश्मीर विधानसभा दे बजट सत्र गी लेइयै तैयारियां पूरे जोर-शोर कन्नै चला'रदियां न। बजट सत्र 3 मार्च 2025 थमां शुरू होआ'रदा ऐ। आकाशवाणी जम्मू संवाददाता नै दस्सेआ ऐ जे सत्र दी शुरूआत जम्मू च उपराज्यपाल मनोज सिन्हा होर करडन। मेद ऐ जे उपराज्यपाल होर विधानसभा दे सदस्यें गी संबोधित करडन ते आने आहले माली बरे आस्ते सरकार दा नजरिया पेश करडन। सत्र गी सेही ढांचे, बगैर कुसा रूकावट दे तोड़ चाढ़ने आस्तै तफसीली इंतजाम कीते जा'रदे न। विधानसभा परिसर दे आले-दोआले सुरक्षा दे पुख्ता इंतजाम कीते गेदे न। सत्र च हिस्सा लैने आहले सदस्यें आस्ते हर तरीके दे प्रबंध कीते जा'रदे न। इस सत्र च मुख्त तौर पर आर्थिक चर्चा ते बजट दे बक्ख-बक्ख पहलुएं बारै चर्चा कीती जाग जेड़ा गै जम्मू-कश्मीर आस्तै बड़ा मता अहम समझेआ जा'रदा ऐ। जम्मू-कश्मीर विधानसभा दा बजट सत्र उस्सलै शुरू होआ'रदा ऐ जिस्सलै प्रशासन पूरी चाल्ली विकास कम्में, कल्याण कार्जकर्में ते आर्थिक विकास कन्नै जुड़ी दी नीतिएं पर कम्म करा'रदा ऐ।

<><><><><><>

Search-Operation

राजौरी जिले दे सुंदरबनी सैक्टर दे फाल ग्रांड च सेना दी गड्डी पर आतंकवादिएं आसेआ कीती गेदी गोलीबारी च शामिल आतंकवादिएं दा पता लाने लेई तपाशी अभियान जारी ऐ। कब्जा रेखा दे आले-दोआले दे इलाकें ते फाल च तपाशी अभियान चलाया गेआ। सेना दे जन संपर्क अधिकारी मूजब आतंकवादिएं कल भारतीय सेना दी कानवाई पर गोलीबारी कीती। इसदा सुरक्षाबलें आसेआ बी परता दित्ता गेआ। एहदे च शामिल आतंकवादिएं दा पता लाने ते उन्दे सफाए लेई अभियान जारी ऐ।

<><><><><><>

Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 ब'रें दे बश्कार ऐ ते ओहू कठुआ जिले दा रौहने आह्ला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 ब'रें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंध्यत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी पिन कोड 180001

उप्पर उप्पर 07 मार्च 2025 थवां पैहले-पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>

Union Minister Athawale

सामाजिक न्याय ते सशक्तिकरण दे केंद्री राज्यमंत्री रामदास अठावले होरें अपने जम्मू दौरे दौरान जम्मू-कश्मीर च केंद्र सरकार तरफा चलाए जा'रदे विकास कम्में पर लोऽ पाई। जम्मू च कन्वेंशन सेंटर च इक प्रेस कांफ्रेंस गी संबोधित करदे होई अठावले होरें आखेआ जे जम्मू-कश्मीर थमां धारा 370 दा हटना केंद्र सरकार दी बड़ी बड़ी उपलब्धि ऐ। उनें आखेआ जे धारा 370 दे हटने थमां लेइयै अज्जै तोड़ी 2 करोड़ 50 लख सैलानी जम्मू-कश्मीर आए न। एहदे शा पैहले लोक जम्मू-कश्मीर आने थमां डरदे हे। उनें भरोसा दोआया जे तौलें गै जम्मू-कश्मीर गी राज्य दा दर्जा दोबारा मिलोग। उनें दस्सेआ जे अज्जै तोड़ी पूरे मुल्ये च 54 करोड़, 84 लख 90 ज्हार बैंक खाते 2014 थमां लेइयै खोले गए न। मंत्री होरें आखेआ जे प्रधानमंत्री मुद्रा योजना PMMY स्कीम हेठ 51 करोड़ 93 लख 43 ज्हार लोकें गी लौहके उद्योग चलाने आस्तै लोन दित्ते गे'न। रामदास अठावले होरें इस मौके पर गलाया।

<><><><><><>

Transport-Commissioner

ट्रांसपोर्ट कमिशनर, जम्मू-कश्मीर विशेष महाजन होरें रियासी दा दौरा लाइयै ट्रांसपोर्ट मैहकमे दी कारकरदगी दा जायजा लैता ते सेवा प्रदान करने च डिजिकरण दी महत्वता पर जोर पाया। अपने दौरे दौरान महाजन हारें मकामी ट्रांसपोर्ट प्राधिकरण ते हितधारकें कन्नै चर्चा कीती ते सेवा गी मता बेहतर बनाने आस्तै डिजिकरण ते दुई नमीं कोशिशें जारी रक्खने दे सरकार दे धेइयै गी दोहराया। उनें ऑनलाइन सर्विस प्लेटफार्म गी लागू करने दे सरबंघ च कीते गेदे कम्म दी बी समीक्षा कीती। उनें अधिकारिएं गी आखेआ जे ट्रांसपोर्ट सरबंघत सेवां लोकें तोड़ी बगैर कुसा रुकावट दे पारदर्शी तरीके कन्नै पजाइयां जान। कमिशनर होरें ट्रांसपोर्टरें, ड्राइवरें ते आम नागरिकें कन्नै बी मिले ते उन्दे मसले सुने। उनें सारें'गी शिड़क सुरक्षा नियमें दी पालमा दी जरूरत बारै जागरूक फैलाने आस्तै आखेआ। ट्रांसपोर्ट कमिशनर विशेष महाजन होरें इस मौके बोलदे होई आखेआ।

<><><><><><>

DC-Doda

डोडा दे डिप्टी कमिशनर हरविंद्र सिंह होरें राई-बाई दे पूरे-पराते विकास सरबंघी प्रोग्राम दी अमलावरी दा जायजा लैता। इस सरबंघे च डी.सी दफ्तर परिसर दे कांफ्रेंस हाल च इक बैठक लग्गी। बैठक दा मकसद राई-बाई ते एहदे कन्नै जुड़े दे सैक्टरें दी प्रगति दा आंकलन करना हा। बैठक च ठोस ते माली प्रगति पर व्यापक विचार-विमर्श होआ। डिप्टी कमिशनर होरें सब्भनें मैहकमें गी आखेआ जे ओहू पंजीकरण आहले कम्में गी तेज करन ते स्कीमें दी अमलावरी यकीनी बनान तां जे लोकें गी एहदा लाहू थहोई सकै।

<><><><><><>

Weather

भारतीय मौसम विभाग नै अगले 2 दिनें आस्तै जम्मू-कश्मीर ते हिमाचल प्रदेश च बरखा ते बर्फबारी आस्तै ओरेंज अलर्ट जारी कीता ऐ। मौसम विभाग नै इनें इलाकें च दरम्याने दर्जे थमां भारी बरखा दी मेद जाहिर कीती ऐ। मौसम विभाग नै उत्तरी पंजाब ते उत्तराखंड च बरखा लेई येलो अलर्ट जारी कीता ऐ। आकाशवाणी समाचार कन्नै गल्ल करदे होई मौसम विभाग दी साइंसदान डॉ. सोमा सेन होरें आखेआ जे 2 दिनें तगर मुख्य दे उत्तरी हिस्सें च अंधी झक्खड़ ते ऐन पौने दी संभावना ऐ। उनें आखेआ जे राश्ट्रीय राजधानी दिल्ली च अगले त्रै दिनें तगर अंधी दे कन्नै हल्की बरखा होई सकदी ऐ। मौसम विभाग नै अगले 2 दिनें च बढ़ोबढ़ तापमान च बल्ले-बल्ले गिरावट औने ते ओदे मगरा बाढ़ा होने दी पेशगोई कीती ऐ।

<><><><><><>

Traffic-Advisory

नवयुग ते नाशरी सुरंग थाहर भारी बरखा होआ करदी ऐ। इस बजह करी केई सारी थाहरें जियां मेहर, कुनफर, पंथियाल, गांगरू, किशतवाड़ी पत्थर थाहर लगातार कुप्पड़ पवा'रदे न। दलवास मेहर, मराग थवां किशतवाड़ी पत्थर तगर यातायात दी आवाजाई बड़ी बल्ले होआ'रदी ऐ। लोके सलाह दिती ऐ जे ओह मौसम सरबन्धी परामर्श दे आधार पर गै अपनी जात्तरा करना। कोई बी व्यक्ति जात्तरा थवां पैहले इनें नम्बरें 94199-93745 ते 18008-07043 पर राबता करिए जानकारी लेई सकदा ऐ।

<><><><><><>